

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON
KANTONALNI SUD U GORAŽDU
Broj: 05-0- Su-25-000039
Goražde, 30.01.2025. godine

IZVJEŠTAJ O RADU KANTONALNOG SUDA U GORAŽDU
za period od 01.01.2024.do 31.12.2024. godine

Zakonom o sudovima u Federaciji Bosne i Hercegovine ("Službene novine F BiH" broj 38/05, 22/06,63/19, 72/10, 7/13, 52/14 i 85/21) uređena je organizacija, stvarna i mjesna nadležnost, finansiranje, pravosudna uprava i drugi odnosi značajni za funkcionisanje sudova. Odredbom člana 25. ovog Zakona propisano je da se Kantonalni sud u Goraždu osniva za područje Bosansko-podrinjskog kantona Goražde sa stvarnom nadležnosti iz člana 28. istog Zakona.

Obzirom da je odredbom člana 63. stav 2. Zakona o sudovima u Federaciji Bosne i Hercegovine propisana obaveza svih sudova da podnose godišnji izvještaj o radu, to Kantonalni sud u Goraždu saglasno Smjernicama VSTV-a BiH za izradu godišnjeg narativnog izvještaja podnosi sljedeći izvještaj o radu za 2024. godinu.

I - ORGANIZACIJA SUDA

Pravilnikom o unutrašnjoj organizaciji suda broj 005-0-Su-06-000 080 od 30.03.2006. godine i njegovim izmjenama i dopunama broj 005-0-Su-15-000 107 od 10.12.2015. godine i broj : 005-0-Su-21-000128 od 09.08.2021. godine, u sudu su ustanovljene dvije organizacione jedinice: Organizaciona jedinica sudija koju čini četvoro sudija od kojih je jedan predsjednik suda i Organizaciona jedinica dopunskih poslova osnovne djelatnosti i poslova pomoćne djelatnosti koja prema sistematizaciji radnih mjesta ima ukupno deset namještenika.

Kantonalni sud u Goraždu u prvoj polovini kalendarske godine bio je kadrovski popunjen propisanim brojem sudija, sa četvoro sudija od kojih je jedan predsjednik suda a u drugoj polovini godine, od 06. avgusta 2024.godine, zbog odlaska jednog sudije u penziju, u sudu radi troje sudija od kojih je jedan predsjednik suda.

U ovom sudu su bila nepopunjena radna mjesta za troje namještenika (tehnički sekretar, vozač-kurir i čistačica).

Poslove kurira u sudu obavljaju namještenici ovog suda po rješenju predsjednice suda koje se donosi na početku svakog mjeseca a ovo sve do popune radnog mjesta kurira.

U aprilu 2019. godine upražnjeno je radno mjesto čistačice a poslove na održavanju higijene p obavljaju uposlenice Službe za zajedničke poslove BPK Goražde. Navedeno postupanje za sada je ocijenjeno kao ekonomski prihvatljivo.

Sud nema sekretara suda.

Finansijsko-računovodstvene poslove obavljaju zajednički za potrebe Kantonalnog i Općinskog suda u Goraždu jedan namještenik zaposlen u Kantonalnom sudu u Goraždu i jedan namještenik zaposlen u Općinskom sudu u Goraždu.

Prema godišnjem rasporedu poslova, koji se donosi za svaku godinu, sve sudije su u protekloj godini radile na predmetima svih referata iz nadležnosti ovog suda, a sa predmetima se zadužuju putem CMS -a u jednakim dijelovima.

Predsjednik suda, radi na svim referatima u omjeru norme od 50 % u odnosu na sudije.

U sudu su organizovana stalna vijeća sudija za rad na predmetima.

Sudije Kantonalnog suda u Goraždu u periodu od 01.01.2024. do 31.12.2024.godine odsustvovala su kako slijedi iz tabele, odnosno sudija Radija Baltić od 01.01.2024. do 06.08.2024.godine, do odlaska u penziju:

Ime i prezime sudije	Godišnji odmor	Praznik	Bolovanje	Plaćeno odsustvo	Slobodni dani	Seminar - Online seminar	Službeni put	Rad u VSTV	Ukupno
Milijana Bjelović	13	8	11	2	-	5	4	-	43
Radija Baltić	49	6	-	-	-	2	-	-	57
Tanja Đajić	29	8	7	2	-	5	-	-	51
Edin Bičo	30	8	-	-	1	14	4	2	59

Kantonalni sud u Goraždu smješten je u zgradi koja je u vlasništvu Bosansko-podrinjskog kantona Goražde i koristi jedan sprat zgrade.

U zgradi je osim Kantonalnog suda smješteno više organa izvršne vlasti BPK-a Goražde i drugih organizacija. Prostor u kojem je smješten sud nije građen namjenski za potrebe suda što se negativno odražava na njegovu funkcionalnost, zbog čega se suđenje u predmetima koja zahtijevaju više stranaka, svjedoka, obavlja u sudnici Općinskog suda u Goraždu.

Kantonalni sud se finansira iz budžeta Bosansko-podrinjskog kantona Goražde.

U protekloj godini Kantonalni sud u Goraždu je sačinio prijedlog budžeta u skladu sa Smjernicama VSTV BiH na koji je dobio saglasnost VSTV BiH, i isti je skoro u cjelosti usvojen u predloženom iznosu.

U toku 2024. godine sve sudije i svi zaposlenici nisu bili odsutni sa posla u dužem vremenskom periodu zbog bolovanja ili drugog opravdanog odsustva, tako da su svi poslovi obavljani blagovremeno i efikasno.

II - OSTVARENE NORME

Na osnovu evidencija-podataka iz Sistema za automatsko upravljanje sudskim predmetima (CMS) u 2024.godini primljeno je 215 predmeta koji se iskazuju kroz normu i uz 2 predmeta koja su prenijeta u rad iz 2023.godine, u radu je bilo 217 predmeta.

Broj riješenih predmeta u 2024.godini je 212.

Procenat riješenih predmeta je 100% jer su svi predmeti po kojima se moglo postupati riješeni. Pet predmeta ostalo je neriješeno s obzirom da za njih postoje zakonske i procene smetnje, odnosno zbog vremena zaprimanja predmeta za rješavanje, i to: predmet broj: 45 0 V 046467 24 Gž 2, upućen je Vrhovnom sudu F BiH radi odlučivanja o prijedlogu za izuzeće o kom prijedlogu do kraja 2024.godine sud nije odlučio, predmeti broj:05 0 U 001200 24 U i broj:05 0 U 001201 24 U su na Ustavnom sudu BiH radi ocjene ustavnosti propisa po kojima se

odlučuje u upravnom sporu, predmet iz upravnog spora broj:05 0 U 001250 24 U ostao je neriješen jer je predmet u sud primljen 10.12.2024.godine a odgovor na tužbu i upravni spis od strane tuženog dostavljen 28.12.2024.godine, te predmet broj: 05 0 K 001251 24 Kps se nije mogao riješiti do kraja godine jer je primljen u sud i dat u rad sudiji 16.12.2024.godine i zbog procesnih i zakonskih rokova u rješavanju tog predmeta nije se mogao riješiti do kraja 2024.godine.

Na osnovu riješenih 212 predmeta ostvarena je kolektivna norma od 31,91%. I pored svih riješenih predmeta u radu, ostvarena kolektivna norma suda od 31,91 % jeste niska a razlog tome je jedino i isključivo mali priliv predmeta koji se na rješavanje ovom sudu dostavljaju od strane Općinskog suda u Goraždu. Nedovoljan priliv predmeta se može objasniti činjenicom da se i na Općinskom sudu u Goraždu bilježi manji priliv predmeta.

Sudija Kantonalnog suda u Goraždu Edin Bičo je Odlukom Visokog sudskog i tužilačkog vijeća BiH, po Odluci broj:06-07-3-1174-2/2023 od 04.05.2023.godine, a potom po Odluci broj:06-07-3-1364-2/2024 od 19.04.2024.godine, privremeno upućen u Kantonalni sud u Sarajevo radi pružanja pomoći tom sudu na rješavanju starih predmeta, pa je po tim Odlukama radio tokom cijele 2024. godine.

Sudija Edin Bičo je po navedenim Odlukama preuzimao predmete, rješavao i ostvario određenu normu u Kantonalnom sudu u Sarajevu.

Ostvarene norme u 2024.godini za sudije Kantonalnog suda u Goraždu su:

Ime i prezime sudije	Broj predmeta u radu u Kantonalnom sudu u Goraždu	Broj predmeta u radu kao sudija Kantonalnog suda u Sarajevu	Ostvarena norma na predmetima Kantonalnog suda u Goraždu	Ostvarena norma na predmetima Kantonalnog suda u Sarajevu	Ukupno ostvarena norma
Milijana Bjelović	44	0	34,25 %	0	34,25 %
Radija Baltić	24	0	16,46 %	0	16,46 %
Tanja Đajić	63	0	27,85 %	0	27,85 %
Edin Bičo	86	149	33,62	69,14 %	102,76 %

Sve sudije ovog suda su u procentu od 100% riješili predmete sa kojima su bili zaduženi u Kantonalnom sudu u Goraždu pa se njihova ostvarena godišnja norma u ovom sudu koja je manja od 100% pripisuje jedino i isključivo nedovoljnom broju predmeta u radu.

III - OSTVARENI KVALITET

Kvalitet rada Kantonalnog suda u Goraždu prikazan je kao u tabeli:

Vrsta predmeta	Broj donesenih odluka na koje se može izjaviti pravni lijek	Broj potvrđenih odluka	Broj preinačenih odluka	Broj preinačenih odluka nakon održanog pretresa	Broj ukinutih odluka
Gž	67	3	0	0	0
Pž	4	0	0	0	0
Rsž	23	6	2	0	0
Kž	13	0	0	0	0
U	22	1	1	0	0
Ostali	48	0	0	0	0
UKUPNO:	177	10	3	0	0

U 2024.godini u Kantonalnom sudu u Goraždu donesene su 177. odluke na koje se može izjaviti pravni lijek dok su u 2023. godini u Kantonalnom sudu u Goraždu donesene 152. takve odluke.

U odnosu na prošlu godinu, razlika u broju donesenih odluka na koje se može izjaviti pravni lijek je u 25 predmeta iz razloga strukture predmeta u radu.

U 2024.godini Kantonalnom sudu u Goraždu, nakon što je odlučivano po podnesenim pravnim lijekovima, vraćeno je 26 predmeta. U 13 predmeta pravni lijek je odbačen, 10 odluka ovog suda je potvrđeno, tri odluke preinačene a ukinutih odluka nije bilo i zbog te činjenice kvalitet sudskih odluka iskazan je u procentima od 100%.

IV- OSTVARENI REZULTATI PO BROJU RIJEŠENIH I NERIJEŠENIH PREDMETA

Rezultati rada Kantonalnog suda u Goraždu za period 01.01.2024-31.12.2024.godine u odnosu na broj primljenih, riješenih i neriješenih predmeta prikazani su na sljedećoj tabeli:

PROTOK PREDMETA PO REFERATIMA

KRIVIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
K-Iksž	0	3	3	0
K-Kpp	0	15	15	0
K-Kps	0	1	0	1
K-Kž	0	14	14	0
K-Kžv	0	4	4	0
K-Mpom	0	3	3	0
K-Kbs	0	1	1	0
K-Kv	0	1	1	0
UKUPNO	0	42	41	1

PREKRŠAJNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Pr-Pžp	1	11	12	0
Pr-Zmž	0	3	3	0
UKUPNO	0	14	15	0

PARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Mal-Gž	0	7	7	0
P-Gž	0	45	45	0
P-Mož	0	2	2	0
Rs-Rsž	0	23	23	0
UKUPNO	0	77	77	0

PRIVREDNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Mals-Pž	0	1	1	0
St-Pž	0	1	1	0
Ps-Pž	0	3	3	0
UKUPNO	0	5	5	0

IZVRŠNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
I-Gž	0	9	9	0
I-Gži	0	5	5	0
Ip-Pž	0	1	1	0
Ps-Pžip	0	3	3	0

Mal-Gži	0	1	1	0
P-Gži	0	1	1	0
Rs-Rsži	0	12	12	0
V-Gži	0	1	1	0
UKUPNO	0	33	33	0

UPRAVNI REFERAT :

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
U	1	30	28	3
UKUPNO:	1	30	28	3

VANPARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
O-Gž	0	2	2	0
V-Gž	0	4	3	1
V-V	0	5	5	0
UKUPNO	0	11	10	1

ZEMLJIŠNO-KNJIŽNO

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Dn-Gž	0	2	2	0
UKUPNO	0	2	2	0

SUDSKA UPRAVA

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Su-Ap	0	1	1	0
UKUPNO	0	1	1	0

V- PRILIV PREDMETA, NEDOVOLJAN BROJ PREDMETA U RADU, RAD NA STARIM PREDMETIMA

Već duži vremenski period smanjuje se priliv predmeta u radu ovog suda zbog čega se sudije ovog suda, izuzev sudije koji radi i za Kantonalni sud u Sarajevu, ocjenjuju po obrascu ocjenjivanja koje se vrši u okolnostima nedovoljnog broja predmeta.

O razlogu nedovoljnog broja predmeta u radu sudija raspravljano je na sjednicama Stručnog kolegija ovog suda i konstatovano da je isključivi razlog smanjenje priliva predmeta nedovoljan broj predmeta koji se dostavljaju od strane Općinskog suda u Goraždu, predmeta o kojima se odlučuje pred ovim drugostepenim sudom kao i zbog nedovoljnog broja predmeta u kojim ovaj sud postupa kao prvostepeni sud. I pored činjenice da je u 2024. godini u odnosu na 2023. godinu zabilježeno više upravnih predmeta po upravnim tužbama, oni nisu značajno mogli uticati na kolektivnu normu.

Nedostatak u ostvarenju norme u Kantonalnom sudu u Goraždu, kao i u ranijim godinama, sudija Edin Bičo je uz dobrovoljni pristanak na upućivanje u Kantonalni sud u Sarajevo uspio da ostvari godišnju normu od 102,76%.

Sve primljene predmete na postupanje po žalbi u 2023. godini sud je riješio te iz tog razloga nije pravio plan rješavanja predmeta za I kvartal 2024. godine.

Kantonalni sud u Goraždu je za tri kvartala (drugi, treći i četvrti) uradio Plan rješavanja predmeta i isti su riješeni 100%.

U rješavanju skoro svih predmeta poštovani su optimalni i predvidivi rokovi

U dva upravna predmeta zabilježeno je prekoračenje optimalnog i predvidivog roka a razlog prekoračenja je što se predmeti nalaze na Ustavnom sudu BiH radi ocjene ustavnosti propisa po kojima se odlučuje u upravnom sporu.

U krivičnom predmetu broj:32 0 K 427600 24 Kž 2 prema evidenciji SIPO- izvještaja D03-1.3 prekoračen je zakonski rok za izradu presude (za unošenje presude u CMS) pa se provjerom utvrdilo da je razlog prekoračenja izostanak blagovremenog potpisivanja sudske odluke od strane predsjednika vijeća a što je zabilježeno službenom zabilješkom u spisu.

VI – TRAJANJE POSTUPKA

Redovnim praćenjem ažurnosti rada sudija, kontrolom na zaduženim predmetima, uočeno je da su, osim već navedenih predmeta, predmeti rješavani uz poštivanje zakonskih, oprimalnih i predvidivih rokova

Prosječno trajanje postupaka prema referatima prikazano je na sledećoj tabeli:

Vrsta referata	Broj primljenih predmeta u toku perioda	Broj riješenih predmeta	Broj neriješenih predmeta	Prosječno trajanje riješenih predmeta u danima
IZVRŠNO	33	33	0	28,45
KRIVIČNO	42	41	1	20,34
PARNIČNO	77	77	0	35,08
PREKRŠAJNO	14	15	0	32,07
PRIVREDNO	5	5	0	55,80
SUDSKA UPRAVA	1	1	0	3

UPRAVNO	30	28	3	54,75
VANPARNIČNO	11	10	1	9,80
ZEMLJIŠNO-KNJIŽNO	2	2	0	20,00
UKUPNO	215(+2 iz 2023.god.)	212	5	28,81

VII-REZULTATI NA PREDMETIMA RATNIH ZLOČINA I PREDMETIMA KORUPCIJE I ORGANIZOVANOG KRIMINALA, O ZASTARI PREDMETA, ZAKLJUČNA ZAPAZANJA O RADU SUDA

Pred Kantonalnim sudom u Goraždu u 2024.godini nije bilo predmeta ratnih zločina.

U izvještajnom periodu među primljenim predmetima nije bilo krivičnih predmeta organizovanog kriminala i koruptivnih krivičnih djela.

U krivičnim i prekršajnim predmetima koji su bili u radu, nije bilo niti ima nijedan predmet u kojem je nastupila zastara krivičnog gonjenja.

Rezultati Kantonalnog suda u Goraždu ostvareni su zbog nastojanja da on svojim radom doprinese ostvarenju postavljenih strateških ciljeva: unapređenju efikasnosti, odgovornosti, kvalitete i nezavisnosti sektora pravde u BiH ostvarljivo kroz održavanje dostignutog nivoa efikasnosti i rješavanje predmeta u zakonskim i optimalnim rokovima. Sud je uspio da riješi sve zaprimljene predmete po kojim se moglo postupati, da ih rješava u rokovima izričito predviđenim zakonom a nijedna stranka nije prigovorila kašnjenju u donošenju odluke od strane ovog suda jer za to nije bilo razloga. U odnosu na 2023.godinu, smanjeno je prosječno trajanje vremena za rješavanje predmeta u danima, od 33,63 dana u 2023.godini, u 2024.godini ono iznosi 28,81 dan.

Znajući da od kvaliteta odluke uveliko zavisi povjerenje stranaka i javnosti u rad sudova, ovaj sud je svoj rad i u tom dijelu uspješno završio jer u postupku preispitivanja pravilnosti donijetih odluka od strane višeg suda, nije bilo ukinutih odluka.

VIII - INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA BiH

Kroz redovno informisanje od strane savjetnika za prevenciju seksualnog i rodno zasnovanog uznemiravanja u Kantonalnom sudu u Goraždu predsjednica suda ima saznanja o svim preduzetim radnjama vezanim za provođenje Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine. U izvještajnom periodu nije bilo ni pismenih niti usmenih zahtjeva na osnovu kojih bi savjetnik za prevenciju seksualnog i rodno zasnovanog uznemiravanja pokrenuo internu proceduru za preventivno djelovanje, nije bilo uznemiravanja i neželjenog ponašanja. Iz navedenih razloga imenovani savjetnik nije podnosio pismene izvještaje predsjednici suda sa pregledom stanja u vezi sa prevencijom seksualnog i rodno zasnovanog uznemiravanja unutar ove institucije kako je to određeno odjeljkom III tačka 3.6. Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine.

IX- INFORMACIJA O AKTIVNOSTIMA PREDUZETIM U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH I POSTIGNUTI REZULTATI

Kantonalni sud u Goraždu saglasno Smjernicama za izradu godišnjeg narativnog izvještaja o radu sudova kao i članu 8. stav 2. Obavezujućeg uputstva o uvođenju rodne perspektive u radne procese u Kantonalmom sudu u Goraždu, podnosi Izvještaj o aktivnostima preduzetim u cilju implementacije za unapređenje rodne ravnopravnosti u pravosuđu BiH i postignutim rezultatima.

Šefica pisarnice-službenica za informisanje i odnose sa javnošću je osoba koja prati primjenu navedenog Uputstva i koja najmanje jednom godišnje sačinjava i dostavlja izvještaj predsjednici suda o primjeni ovog Uputstva.

U svom sada godišnjem izvještaju navela je da su svi zaposleni, ranije upoznati i podsjećani u izvještajnom periodu na Obavezujuće uputstvo o uvođenju rodne perspektive u radne procese u Kantonalmom sudu u Goraždu, da su u svom radu iskazali aktivnost da se sve osobe koje su došle u kontakt sa Sudom tretirane na jednak način, da im je omogućen jednak pristup pravdi bez obzira na pol i/ili rod i da niti u jednom podnesku upućenom ovom sudu niti u usmenom obraćanju nije zabilježena primjedba na rad Suda a koji se tiču rodne ravnopravnosti.

U Izvještaju se navodi da su zaposlenici Suda upoznati i svjesni zabrane diskriminacije bilo kojeg oblika po bilo kojem osnovu, da su svi zaposleni u svom radu ispoljili djelovanje na zaštiti rodne ravnopravnosti te se posebnim ističe da nije bila u situaciji da pokreće postupak i sačinjava izvještaj o nepoštivanju Obavezujućeg uputstva pa tako i nije bila u situaciji da predsjednici suda dostavi navedenu informaciju i da daje prijedlog za otklanjanje uočenih nedostataka

Znajući da su svi zaposlenici dužni da u službenim dokumentima koriste rodno osjetljiv jezik upotrebom rodnih oznaka gdje god je to moguće i prikladno, posebno prilikom izrade pojedinačnih akata nastalih u njihovom radu kada se navode uloge, zvanja, funkcije isl., Šefica pisarnice-službenica za informisanje i odnose sa javnošću je u Izvještaju navela da se kroz kontrolu otpreme pismena vodi računa o navedenom i uočene pogreške se ispravljaju te da je postignut takav stepen da nije zabilježena niti jedna pogreška.

U izvještajnom periodu, prvenstveno iz razloga što je zabilježeno poštivanje Obavezujućeg uputstva u svim njegovim segmentima, nije se ukazalo za potrebnim održavanje posebnih oblika saradnje sa određenim organizacijama na temu ravnopravnosti polova.

U izvještajnom periodu iskazana je volja i spremnost za prisustvovanjem edukacijama u vezi unapređenja rodne ravnopravnosti pa se pozivu u organizaciji vanjskog predvača, odazvala šefica pisarnice-službenica za informisanje i odnose sa javnošću i saznanja u vezi implementacije Istanbulske konvencije usmeno prenijela svim zaposlenicima/cama u sudu.

X - PLANIRANE MJERE ZA POBOLJŠANJE STANJA U SUDU

Kvalitet rada suda, kao naprijed, ogleda se prevashodno kroz kvalitet sudskih odluka, u smislu kvaliteta njihove zakonitosti, razumljivosti i provodivosti a koji se cijeni sa provjerom od strane nadređenog suda. Uz činjenicu da u 2024.godini nije bilo ukinutih sudskih odluka, kvalitet suda se ocjenjuje zavidnim.

U cilju zadržavanja dostignutog nivoa kvaliteta rada i radi eliminisanja pravne nesigurnosti kod donošenja odluka, sud će kao i do sada raditi na poštivanju zakonskih, optimalnih i

predvidivih rokova, na praćenju sudske prakse prvenstveno kroz praćenje donesenih odluka Vrhovnog suda F BiH, Ustavnog suda BiH i Ustavnog suda F BiH te Evropskog suda za ljudska prava.

Saglasno navedenom, posebna pažnja će se usmjeriti da se na zajedničkim stručnim sastancima analiziraju odluke ovog suda koje su bile predmet preispitivanja po pravnim lijekovima kao i odluke koje se objavljuju putem Centra za sudsku dokumentaciju i internet portala navedenih sudova.

U cilju sticanja stručnog znanja, kao i do sada, pažnja će se posvetiti individualnoj i kolektivnoj edukaciji sudija koja se najvećim dijelom provodi kroz edukaciju koja se organizuje od strane CEST-a F BiH. Pratiće se i podsticati sudije i nesudsko osoblje na obuku za sticanje znanja iz oblasti komunikacija kao i u oblasti primjene profesionalne etike u obavljanju sudijske dužnosti.

Ovaj sud želi osigurati da ova pravosudna institucija najvećim dijelom bude orijentisana na što kvalitetnije zadovoljenje potreba građana te će se u tom smislu analizirati sve informacije prikupljene iz različitih izvora vezano za kvalitet pruženih usluga u ovom sudu.

Kao jedan od preduslova postizanja planiranih aktivnosti jeste i obezbjeđenje kvalitetnog radnog prostora za uposlenike suda. U okviru planiranih budžetskih sredstava izvršiće se znavljanje nedostajuće informatičke opreme, opremanje i higijensko osvježenje radnog prostora.



PREDSJEDNICA SUDA:

Milijana Bjelović